

ԳԻՏԱԿԱՆ ՆՍՏԱՇՐՋԱՆՆԵՐ

Նոյեմբերի 26-ին ՀՍՍՀ ԳԱ նիստերի մեծ դահլիճում տեղի ունեցավ ՀՍՍՀ ԳԱ հասարակական գիտությունների բաժանմունքի գիտական նստաշրջան՝ նվիրված Հայաստանի Ռուսաստանի հետ միացման 140-ամյակին:

Նստաշրջանը ներածական խոսքով բացեց բաժանմունքի ակադեմիկոս-բարտուղար, ՀՍՍՀ ԳԱ ակադեմիկոս Մ. Պ. Աղայանը:

Նստաշրջանում կարգացվեցին մի շարք զեկուցումներ, «Արևելյան Հայաստանի տնտեսական զարգացումը Ռուսաստանին միանալուց հետո» զեկուցումով հանդես եկավ պատմական գիտությունների դոկտոր Ա. Համբարյանը: Զեկուցողը հանգամանորեն կանգ առավ հայ ժողովրդի տնտեսական զարգացման գործում Ռուսաստանի հետ միանալու բարեբար ազդեցության վրա:

— Շահական Պարսկաստանի դարավոր տիրապետության ժամանակ, — ասաց նա, — արգելակվում էր Արևելյան Հայաստանի տնտեսական, բաղադրական ու կուլտուրական զարգացումը: Հայ ժողովուրդը զրկված էր գոյության ամենատարրական պայմանից՝ անձի ու գույքի ապահովությունից: Հայաստանի միացումը Ռուսաստանին շրջադարձային կետ հանդիսացավ հայ ժողովրդի կյանքում: Երկաթուղային տրանսպորտը մուտք գործեց Հայաստան, որը խթան հանդիսացավ արդյունաբերության զարգացմանը, սկսեցին առաջադիմել գյուղատնտեսությունը, անասնապահությունը: Հայաստանի արդյունաբերական արտադրանքը ինչպես մշակված, այնպես էլ թերամշակ վիճակում արտահանվում էր Ռուսաստանի զանազան շրջանները, նույնիսկ արտասահման:

— Հոկտեմբերյան հեղափոխությունից հետո, — նշեց Ա. Համբարյանը իր զեկուցման վերջում, — Հայաստանի տնտեսական զարգացումը առաջ գնաց շտեմնված տեմպերով: Հայաստանը դարձավ ժամանակակից ինդուստրիալ հանրապետություն, գիտության ու կուլտուրայի օջախ:

Բանասիրական գիտությունների դոկտոր Գ. Հովնանը «Արևելյան Հայաստանը Ռուսաստանին միացնելու նշանակությունը հայ մշակույթի զարգացման գործում» իր զեկուցման մեջ կանգ առավ հայ-ռուսական կապերի պատմության վրա:

— Ռուսաստանի հետ Արևելյան Հայաստանի միացումը բացառիկ նշանակություն է ունեցել հայ մշակույթի հետագա զարգացման համար, — ընդգծեց զեկուցողը: — Դա երևում է հայ ականավոր մտավորականների գործունեությունից: Խաչատուր Աբովյանը, Միքայել Նալբանդյանը, Սմբատ Շահազիզը, Գարրիել Սունդուկյանը, Հովհաննես Թումանյանը, Վահան Տերյանը և շատ հայ անվանի գրողներ ու մտավորականներ սերտ կապի մեջ են եղել ռուս ժողովրդի մտավորականության ականավոր ներկայացուցիչների հետ, հաղորդակից են դարձել նրանց գրական ժառանգությանը, ինչպես նաև ժանոթացրել են ռուս մտավորականությանը հայ ժողովրդի հնադարյան կուլտուրայի հետ:

Զերնիշևսկու և մյուս հեղափոխական դեմոկրատների շրջանում աճեց, կազմավորվեց ու նրանց հետ ակտիվ գործեց XIX դարի հայ առաջավոր մտքի մեծագույն ներկայացուցիչ Միքայել Նալբանդյանը:

Անցյալ դարի 50-ական թվականներին Մոսկվայում սկսվում է հրատարակվել հայ լավագույն պարբերականներից մեկը՝ «Հյուսիսափայլը»՝ Ստեփանոս Նազարյանցի խմբագրությամբ, որը հայ մտավոր կյանքում բացառիկ դեր է կատարել: Նրանից են ճառագայթվել Նազարյանցը, Նալբանդյանը, Շահազիզը, Բաֆֆին, Գ. Բարխուդարյանը, Հ. Քուչուկբեկյանը, Բ. Պատկանյանը, Մ. Մաղաթյանը և հայ շատ ուրիշ հեղինակներ:

XIX դարի հայ նկարիչները իրենց կրթությունը ստացել են Պետերբուրգի և Մոսկվայի գեղարվեստական ուսումնարաններում, ռուս մեծ նկարիչների արվեստանոցներում: Հովնաթանյանները, Սուրենյանցը, Թադևոսյանը, Բաշինջաղյանը, Աղաջանյանը, Սարյանը և վրձնի մյուս

անվանի վարպետները սովորել ու կատարելագործվել են Ռեպինի, Վասնեցովի, Սերովի, Սուրիկովի, Պոլենովի ղեկավարությամբ:

«Արևելյան Հայաստանի միացումը Ռուսաստանին և դրա արտացոլումը XIX դարի առաջին կեսի հայ գրականության մեջ» թեմայով զեկուցում կարդաց բանասիրական գիտությունների թեկնածու Պ. Հակոբյանը:

— Ռուսաց պետության աշակցությամբ, — ասաց նա, — հայոց քաղաքական ազատագրության վերաբերյալ մեր նախնիները, դեռևս XVII դարում, հյուսել են լեզենդ, որի արձագանքները գտնում ենք միևնույն և ուշ շրջանի մատենագրության մեջ: Հնօրյա դիվանական վավերաթղթերը պերճախոս վկայություններ են տալիս այդ առթիվ, իսկ հուշագրություններն ու այլ կարգի նյութերը՝ հավերժացնում պատմական անցքեր, որոնցից արժե հիշել առանձնապես Կոմս Վալերիան Զուրովի կովկասյան արշավանքները՝ վերարտադրված Հարություն Արարատյանի կիսագեղարվեստական ինքնակենսագրության մեջ:

Այս ամենը, — շարունակում է զեկուցողը, — սակայն արժարժվող հարցի նախապատմությունն է: Քիչ թե շատ կատարյալ գեղարվեստական գործեր հայոց քաղաքական ազատագրության համար ոռոտների տված հույսերի առթիվ, հրապարակ են գալիս միայն XIX դարի սկզբներից: Այն է՝ հայոց նոր գրականության ձևավորման խանձարուրային շրջանից: Զեկուցողն այնուհետև վերլուծում է բազմաթիվ ստեղծագործություններ, որոնց մեջ արտացոլում են գտել ոռոտ-պարսկական և ոռոտ-թուրքական պատերազմների անցքերը:

Գիտական նստաշրջանին ներկա էին ՀԿԿ Կենտկոմի քարտուղար Ռ. Խաչատրյանը, ՀԿԿ Կենտկոմի գիտության և ուսումնական հաստատությունների բաժնի վարիչ Ս. Թովմասյանը:

• • •

Նոյեմբերի 21-ին տեղի ունեցավ ՍՍՀԿ Կենտկոմին առընթեր մարքսիզմ-լենինիզմի ինստիտուտի հայկական ֆիլիալի և ՀՍՍՀ ԳԱ պատմության ինստիտուտի միացյալ գիտական նստաշրջան՝ նվիրված բուլղարիկյան կուսակցության ականավոր գործիչ, պրոֆեսորնալ հեղափոխական Բոգդան Կնունյանցի ծննդյան 90-ամյակին:

Նստաշրջանը ներածական խոսքով բացեց ֆիլիալի դիրեկտոր, ՀՍՍՀ ԳԱ թղթակից-անդամ Գ. Ղարիբջանյանը:

Բոգդան Կնունյանցի կյանքի և հեղափոխական գործունեության մասին կարդացվեցին մի շարք զեկուցումներ:

«Բոգդան Կնունյանցը որպես ականավոր պրոֆեսորնալ հեղափոխական» զեկուցումով հանդես եկավ ակադեմիայի արևելագիտության սեկտորի վարիչ, պատմական գիտությունների թեկնածու Հ. Ինճիկյանը: Նա նշեց, որ Բ. Կնունյանցը սոցիալիզմի հիմունքներին սկսեց հաղորդակից լինել դեռևս Շուշիի գիմնազիայում սովորելու տարիներին: 1897 թ. Պետերբուրգի տեխնոլոգիական ինստիտուտի ուսանող ժամանակ Կնունյանցը ընդունվում է ՌՍԴԲԿ-ի շարքերը: Նա հանդիսանում է ՌՍԴԲԿ Բաքվի կոմիտեի կազմակերպիչներից մեկը, իսկ 1902 թ. Ս. Շահումյանի, Ա. Զուրաբյանի, Ա. Խումարյանի, Մ. Մելիքյանի հետ միասին, մասնակցում է Թիֆլիսում հայ սոցիալ-դեմոկրատների միության ստեղծմանը և «Պրոլետարիատ» թերթի հրատարակմանը: Զեկուցողը հանգամանորեն ցույց տվեց այն մեծ աշխատանքը, որ Կնունյանցը կատարել է կովկասյան սոցիալ-դեմոկրատների առաջին համագումարի նախապատրաստմանը, ՌՍԴԲԿ Կովկասյան միութենական կոմիտեի ստեղծմանը, «Պրոլետարիատի կոիվ» թերթի հրատարակմանը: Հայ մեծ հեղափոխականը հետագայում Անդրկովկասում ղեկավար կուսակցական գործունեությանը զուգընթաց, ընտրվում է կուսակցական ղեկավար օրգաններում՝ բուլղարիկների Մոսկվայի ու Պետերբուրգի կոմիտեների և ՌՍԴԲԿ ֆեդերատիվ խորհրդի կազմում, ՌՍԴԲԿ Կենտկոմի գործակալ և անդամ, Կենտկոմի Հյուսիսային բյուրոյի ագիտացիոն կոլեգիայի ղեկավար, 1905 թ. բանվորական ղեկուսատների Պետերբուրգի առաջին խորհրդի ղեկուսատ, խորհրդի գործկոմի անդամ և քարտուղար:

Բոգդան Կնունյանցը Վ. Ի. Լենինի, Ա. Վ. Լոնաչարսկու, Մ. Մ. Լիտվինովի և ուրիշների հետ միասին մտնում է Երկրորդ ինտերնացիոնալի Շտուտգարտի կոնգրեսի բուլղարիկյան ֆրակցիայի մեջ, իսկ 1907 թ. նոյեմբերին նա մասնակցում է ՌՍԴԲԿ Հելսինգֆորսի չորրորդ կոնֆերանսի աշխատանքին:

Նստաշրջանում «Բոգդան Կնունյանցը պետության մասին» թեմայով զեկուցում կարդաց ՀԿԿ Նզեղնաձորի շրջկոմի քարտուղար Հ. Հովսեփյանը: Նա նշեց, որ Կնունյանցը իր աշխատություններում խոսել է բացարձակ միապետության, սահմանադրական միապետության և բուրժուա-

կան հանրապետության էության մասին: Աննկուն հեղափոխականը պաշտպանելով պետության մասին մարքս-լենինյան տեսությունը, Ռուսաստանի բանվոր դասակարգին կոչ էր անում ստեղծել պրոլետարիատի դիկտատուրա:

Նստաշրջանի վերջում հետաքրքիր հուշերով հանդես եկան հին բուլնիկներ Գ. Մելիք-Գրիգորյանը և Ա. Հովհաննիսյանը:

* * *

Նոյեմբերի 11-ին ՀՍՍՀ ԳԱ նիստերի դահլիճում տեղի ունեցավ Հայաստանի գիտությունների ակադեմիայի, առողջապահության մինիստրության, Նրևանի պետական համալսարանի, Մաշտոցի անվան մատենադարանի, բժշկական ինստիտուտի և գիտական բժշկական ընկերությունների միացյալ գիտական նստաշրջան՝ նվիրված հայ միջնադարյան բժշկության ականավոր ներկայացուցիչ Մխիթար Հերացու ծննդյան 850-ամյակին:

Նստաշրջանին մասնակցում էին հյուրեր՝ Մոսկվայից, Լենինգրադից, Օդեսայից, եղբայրական հանրապետությունների այլ մայրաքաղաքներից:

Գիտական նստաշրջանում կարդացվեցին մի շարք զեկուցումներ: «Մխիթար Հերացու ժամանակաշրջանը» զեկուցումով հանդես եկավ ՀՍՍՀ ԳԱ թղթակից-անդամ Բ. Ն. Առաքելյանը:

«Միջնադարյան ականավոր հայ բժիշկ Մխիթար Հերացին» զեկուցման մեջ բժշկական գիտությունների դոկտոր, պրոֆեսոր Ա. Ս. Կծոյանը հանգամանորեն կանգ առավ Մ. Հերացու «Ջերմանց մխիթարութիւն» հռչակավոր աշխատության վրա, ցույց տալով նրա դերը հայ և համաշխարհային բժշկագիտության մեջ:

Նստաշրջանի մասնակիցները մեծ հետաքրքրությամբ լսեցին ՍՍՀՄ բժշկական գիտությունների ակադեմիայի իսկական անդամ Ա. Բ. Ալեքսանյանի՝ «Մխիթար Հերացու էպիդեմիոլոգիական հայացքները» զեկուցումը: Մխիթար Հերացու և նրա ժամանակակիցների աշխատություններում տեղ գտած հիգիենայի մի քանի հարցերին էր նվիրված ՍՍՀՄ բժշկական գիտությունների ակադեմիայի թղթակից-անդամ Լ. Ա. Հարությունյանի զեկուցումը:

Հետաքրքիր զեկուցումներով հանդես եկան նաև ՀՍՍՀ ԳԱ թղթակից-անդամ Վ. Կ. Զալոյանը («Մխիթար Հերացու փիլիսոփայական հայացքները»), Մատենադարանի գիտական աշխատողներ Ս. Պ. Լալաֆարյանը («Մխիթար Հերացու ձեռագիր աշխատություններ»), Ա. Ս. Վարդանյանը («Ալլաի անատոմիա ըստ Մխիթար Հերացու և Աբու Սաիդի») և բժշկական գիտությունների դոկտոր, պրոֆեսոր Ո. Ս. Փարսադանյանը («Մխիթար Հերացին հայ և օտար բժշկական գրականության մեջ»):